



RAPORTI VJETOR

I

**INSPEKTORATIT TË LARTË TË DEKLARIMIT DHE KONTROLLIT TË
PASURIVE DHE KONFLIKTIT TË INTERESAVE**

VITI 2020

TABELA E PĒRMBAJTJES

HYRJE	2
1. KUADRI LIGJOR DHE REFORMA NË DREJTËSI	4
1.1 ZBATIMI I LIGJIT NR. 84/2016 "PËR RIVLERËSIMIN KALIMTAR TË GJYQTARËVE DHE PROKURORËVE NË REPUBLIKËN E SHQIPËRISË" DHE LEGJISLACIONIT PËR SISTEMIN E RI TË DREJTËSISË	4
1.2 ZBATIMI I LIGJIT NR. 60/2016 "PËR SINJALIZIMIN DHE MBROJTJEN E SINJALIZUESVE", I NDRYSHUAR	9
1.3. ZBATIMI I LIGJIT NR. 9049/2003 "PËR DEKLARIMIN DHE KONTROLLIN E PASURIVE, TË DETYRIMEVE FINANCIARE TË TË ZGJEDHURVE DHE TË DISA NËPUNËSVE PUBLIKË", I NDRYSHUAR DHE SISTEMI ELEKTRONIK I DEKLARIMIT TË INTERESAVE PRIVATË	13
2. TË DHËNA MBI DEKLARIMIN DHE KONTROLLIN E DEKLARATAVE TË INTERESAVE PRIVATË	14
2.1. ADMINISTRIMI I DEKLARATAVE	14
2.2. SKANIMI, PËRPUNIMI PARAPRAK DHE KONTROLLI ARITMETIK DHE LOGJIK	15
2.3. KONTROLLI I PLOTË	15
2.4. REZULTATET E KONTROLLIT	16
3. BASHKËPUNIMI NDËR-INSTITUCIONAL DHE NDËRKOMBËTAR	17
4. TRANSPARENCA INSTITUCIONALE	18
5. PERFORMANCE FINANCIARE	19
6. PĒRMBLEDHJE E ARRITJEVE	22
7. PRIORITET PËR VITIN 2021	23
ANEKSI NR. 1	25

HYRJE

Raporti Vjetor i Inspektoratit të Lartë të Deklarimit dhe Kontrollit të Pasurive dhe Konfliktit të Interesave, në përbushje të detyrimit ligjor të parashikuar në nenin 39, të Ligjit nr. 9049, datë 10.4.2003, "Për deklarimin dhe kontrollin e pasurive, të detyrimeve financiare të të zgjedhurve dhe të disa nepunësve publikë", i ndryshuar, paraqitet përpala Kuvendit të Shqipërisë si një dokument gjithëpërfshirës i punës dhe aktiviteteve institucionale; i problematikave dhe rezultateve të arritura në zbatimin e kuadrit ligjor në fuqi; bashkëpunimit ndër-institucional e ndërkombëtar, si dhe të transparencës së realizuar me publikun, median dhe shoqërinë civile.

Inspektorati i Lartë i Deklarimit dhe Kontrollit të Pasurive dhe Konfliktit të Interesave, përgjatë vitit raportues, ka përbushur kompetencat institucionale duke pasur në fokus të veçantë rekomandimet e dhëna nga Kuvendi i Republikës së Shqipërisë në Rezolutën për vitin 2020, si dhe duke punuar në drejtim të forcimit të kapaciteteve administrative dhe investiguese, për të qenë kështu garant i paanshmërisë, transparencës dhe objektivitetit të institucionit.

Në këtë kuadër, gjatë vitit raportues, Inspektorati i Lartë vijoi të mbështesë procesin reformues të sistemit të drejtësisë, si një masë e domosdoshme dhe emergjente për të rikthyer besimin e publikut tek institucionet e këtij sistemi, si dhe për të garantuar konsolidimin dhe funksionimin e shtetit të se drejtës, me pjesën më të madhe të kapaciteteve të tij institucionale. Në këtë drejtim, vijoi bashkëpunimi ndër-institucional me organet e rivlerësimit kalimtar (vetting), duke përbushur detyrat funksionale, brenda afateve të parashikuara nga Kushtetuta e Republikës së Shqipërisë dhe aktet ligjore në fuqi të lidhura me procesin e rivlerësimit kalimtar të gjyqtarëve dhe prokurorëve.

Kështu, në bashkëpunim të ngushtë me organet e rivlerësimit kalimtar, përkatësisht me Komisionin e Pavarur të Kualifikimit (KPK) dhe Operacionin Ndërkombëtar të Monitorimit (ONM), si dhe bazuar në listat e subjekteve të rivlerësimit dërguar nga këto organe dhe afatet e përcaktuara prej tyre, përfundoi verifikimin e të gjitha të dhënave të paraqitura në deklaratat e pasurisë nga subjektet e rivlerësimit, mbi ligjshmërinë e burimeve të krijimit të pasurisë së deklaruar, si dhe situatave të mundshme të konfliktit të interesave, brenda afateve ligjore.

Konkretilisht, u përfundua dhe dorëzua pranë këtyre organeve, dokumentacioni i plotë, së bashku me raportet e hollësishme dhe të arsyetuara, për pjesën e mbetur të gjyqtarëve dhe prokurorëve, përkatësisht të gjykatave dhe prokurorive të rretheve gjyqësore, Gjykatës së Shkallës së Parë për Krimet e Rënda, si dhe gjykatave administrative të shkallëve të para.

Për më tepër, si pjesë e rëndësishme e mbështetjes së proceseve të reformës në drejtësi, u konsoliduan marrëdhëniet me organet e reja të ngritura nga kjo reformë, kryesisht në verifikimin, brenda afateve ligjore, të deklaratave të pasurive dhe interesave privatë për kandidatët për pozicione të ndryshme në institucionet e sistemit të drejtësisë.

Në të njëjtën kohë, Inspektorati i Lartë, për periudhën e raportimit, përtet vështirësive dhe nevojës për të përshtatuar proceset e punës në përputhje me masat e marra në kuadër të pandemisë globale, vijoi zbatimin me korrekësi të tre ligjeve bazë, respektivisht Ligjit nr. 9049, datë 10.4.2003 "Për deklarimin dhe kontrollin e pasurive, të detyrimeve financiare të të zgjedhurve dhe disa nepunësve publikë", i ndryshuar, Ligjit nr. 9367, datë 7.4.2005 "Për parandalimin e konfliktit të interesave në ushtrimin e funksioneve publike", i ndryshuar, si dhe të Ligjit nr. 60/2016 "Për sinjalizimin dhe mbrojtjen e sinjalizuesve", i ndryshuar.

Në këtë drejtim, për t'u theksuar është angazhimi i gjerë institucional në përbushjen e detyrimeve që rrjedhin nga skema e kontrollit të subjekteve deklarues, marjen dhe hetimin e rasteve të konfliktit të interesave dhe sinjalizimeve brenda afatave ligjore të parashikuar nga kuadri ligjor në fuqi dhe Kodi i Procedurave Administrative.

Në lidhje me performancën institucionale gjatë vitit 2020, krahas paraqitjes në mënyrë të detajuar të Raportit Vjetor, në vijim të arritjeve dhe prioriteteve, Inspektorati i Lartë dëshiron të ritheksojë angazhimin në përbushjen e detyrimeve kushtetuese e ligjore, në vazhdimin e verifikimit të kandidatëve për organet e ndryshme të sistemit të drejtësisë, forcimit të mëtejshëm të rolit institucional në kontrollin e deklarimit të interesave private, parandalimin e konfliktit të interesave, si dhe në hetimin e rasteve të sinjalizimit e garantimin e mbrojtjes së sinjalizuesve.

1. KUADRI LIGJOR DHE REFORMA NË DREJTËSI

1.1 ZBATIMI I LIGJIT NR. 84/2016 "PËR RIVLERËSIMIN KALIMTAR TË GJYQTARËVE DHE PROKURORËVE NË REPUBLIKËN E SHQIPËRISË" DHE LEGJISLACIONIT PËR SISTEMIN E RI TË DREJTËSISË

Inspektorati i Lartë i Deklarimit dhe Kontrollit të Pasurive dhe Konfliktit të Interesave (Inspektorati i Lartë), përgjatë vitit raportues, ka punuar në drejtim të përbushjes së rekomandimit të Kuvendit të Shqipërisë të parashikuar në Rezolutën për vitin 2020, për tu angazhuar në „*përmbylljen me sukses të procesit të dorëzimit të dosjeve dhe raporteve të hollësishme e të arsyetuara për pjesën e mbetur të subjekteve të rivlerësimit pranë organeve kompetente*“.

Në këtë kuadër, Inspektorati i Lartë ka vijuar të ketë prioritet të punës së tij, procesin e reformimit të sistemit gjyqësor, duke garantuar vazhdueshmërinë e rivlerësimit kalimtar të gjyqtarëve, prokurorëve, këshilltarëve/ndihmësave ligjore (vetting), si dhe të kandidatëve për pozicione të ndryshme në institucionet e sistemit të drejtësisë, nëpërmjet angazhimit të pjesës më të madhe të kapaciteteve të tij institucionale.

Në këtë kuadër, ILDKPKI në bashkëpunim të ngushtë me organet e rivlerësimit, Komisionin e Pavarur të Kualifikimit (KPK) dhe Operacionin Ndërkombëtar të Monitorimit (ONM), ka qenë tërësisht i angazhuar në përfundimin brenda afateve ligjore të proceseve të kontrollit të deklaratave të pasurive të subjekteve të rivlerësimit të përcaktuar në listat e dërguara prej tyre, sipas afateve të përcaktuara.

Konkretilisht ka përfunduar dhe dorëzuar pranë këtyre organeve, dokumentacionin e plotë, së bashku me raportet e hollësishme dhe të arsyetuara për pjesën e mbetur të subjekteve të rivlerësimit, duke përmbyllur me sukses procesin e dorëzimit të raporteve përfundimtare, së bashku me dosjet respektive, për të gjithë subjektet e rivlerësimit, pranë organeve të rivlerësimit dhe ONM.

Përveç kryerjes së procesit të rivlerësimit kalimtar të gjyqtarëve dhe prokurorëve në Republikën e Shqipërisë, ILDKPKI në zbatim të Ligjit nr. 9049, datë 10.4.2003 "Për deklarimin dhe kontrollin e pasurive, të detyrimeve financiare të të zgjedhurve dhe të disa nепунесве публике", i ndryshuar, Ligjt nr. 9367, datë 7.4.2005 "Për parandalimin e konfliktit të interesave në ushtrimin e funksioneve publike", i ndryshuar, Ligjt nr. 76/2016 "Për disa shëtësi dhe ndryshime në ligjin nr. 8417, datë 21.10.1998 "Kushtetuta e Republikës së Shqipërisë", i ndryshuar, Ligjt nr. 95/2016 "Për organizimin dhe funksionimin e institucioneve për të luftuar korriupsionin dhe krimin e organizuar", Ligjt nr. 96/2016 "Për statusin e gjyqtarëve dhe prokurorëve në Republikën e Shqipërisë" i ndryshuar, Ligjt nr. 97/2016 "Për organizimin dhe funksionimin e Prokurorisë në Republikën e Shqipërisë", Ligjt nr. 115/2016 "Për organet e qeverisjes së sistemit të drejtësisë" i ndryshuar, përgjatë periudhës raportuese ka administruar deklaratat e pasurisë dhe interesave privatë të kandidatëve për pozicione të ndryshme në institucionet e sistemit të drejtësisë dhe ka ushtruar kontrollin e pasurive, të ligjshmërisë së burimit të krijimit të tyre, të përbushjes së detyrimeve financiare nga kandidatët dhe personat e lidhur me ta.

Në kuadër të përbushjes së rekomandimit të Kuvendit të Republikës së Shqipërisë "....të vijojë më tej bashkëpunimin me organet e reja të drejtësisë në drejtim të administrimit të deklaratave të pasurisë për subjektet kandidatë për pozicione të ndryshme në institucionet e sistemit të drejtësisë dhe ushtrimit të kontrollit të pasurive, të ligjshmërisë së burimit të krijimit të tyre, të përbushjes së detyrimeve financiare nga subjektet kandidatë dhe personave të lidhur me ta", si dhe detyrimeve ligjore, përgjatë vitit 2020 është ushtruar kontrolli i plotë për deklaratat e interesave privatë për rrëth 238 kandidatë në organet e ndryshme të sistemit të drejtësisë, duke realizuar:

- ▲ Në zbatim të Ligjt nr.115/2016 "Për organet e qeverisjes së sistemit të drejtësisë", i ndryshuar, përfundimin e kontrollit të plotë për 17 kandidatë për gjyqtarë në Gjykatën Kushtetuese dhe dërgimin pranë Këshillit të Emëritave në Drejtësi, dosjen origjinale të kontrollit të plotë për secilin kandidat, e cila përmban Deklaratën e Pasurisë dhe Interesave Privatë të kandidatit, dokumentacionin e dorëzuar nga vetë kandidati, dokumentacionin e administruar nga korrespondencia me institucionet e specializuara, raportin përfundimtar të kontrollit, së bashku me konkluzionet përkatëse.

Në rastet kur kandidatët kanë qenë apo vazhdojnë të janë subjekte të Ligjit nr. 9049, datë 10.4.2013 "Për deklarimin dhe kontrollin e pasurive, të detyrimeve financiare të të zgjedhurve dhe disa nepunesve publike", i ndryshuar, në dosje janë dërguar edhe deklaratat e interesave privatë ndër vite,

- ↳ Në zbatim të Ligjit nr. 96/2016 "Për statusin e gjyqtarëve dhe prokurorëve në Republikën e Shqipërisë" i ndryshuar, përfundimin e kontrollit të plotë të Deklaratës së Pasurisë dhe Interesave Privatë, për 16 kandidatë për gjyqtarë në Gjykatën e Lartë, nga rradhët e gjyqtarëve dhe vendosi në dispozicion të Këshillit të Lartë Gjyqësor, aktet e përfundimit të kontrollit të plotë të Deklaratës së Pasurisë dhe Interesave Privatë.
- ↳ Në zbatim të Ligjit nr. 95/2016 "Për organizimin dhe funksionimin e institucioneve për të liftuar Korruptionin dhe Krimin e Organizuar" përfundimin e kontrollit të plotë të Deklaratës së Pasurisë dhe Interesave Privatë, për 4 kandidatë për Drejtore të Byrosë Kombëtare të Hetimit dhe dërgimin pranë Komisionit të Posacëm të Verifikimit të Pasurisë dhe Figurës për Prokurorinë dhe Gjykatat e Posacëme/ Prokuroria e Posacëme Kundër Korruptionit dhe Krimit të Organizuar, dokumentacionin e administruar nga korrespondencia me institucionet e specializuara, raportin përfundimtar të kontrollit, së bashku me konkluzionet përkatëse.
- ↳ Në zbatim të Ligjit nr. 96/2016 "Për statusin e gjyqtarëve dhe prokurorëve në Republikën e Shqipërisë" i ndryshuar, përfundimin e kontrollit të plotë për 3 kandidatë për gjyqtarë në Gjykatën e Posacëme të Apelit për Korruptionin dhe Krimin e Organizuar dhe dërgimin pranë Këshillit të Lartë Gjyqësor të akteve të përfundimit të kontrollit të plotë të Deklaratës së Pasurisë dhe Interesave Privatë të kandidatit për pozicione të ndryshme në institucionet e sistemit të drejtësisë.
- ↳ Në zbatim të Ligjit nr. 96/2016 "Për statusin e gjyqtarëve dhe prokurorëve në Republikën e Shqipërisë" i ndryshuar, përfundimin e kontrollit për 10 kandidatë për gjyqtarë në Gjykatën e Apelit dhe dërgimin pranë Këshillit të Lartë Gjyqësor të akteve të përfundimit të kontrollit të plotë të Deklaratës së Pasurisë dhe Interesave Privatë të kandidatit për pozicione të ndryshme në institucionet e sistemit të drejtësisë.

- ▲ Në zbatim të Ligjit nr. 96/2016 "Për statusin e gjyqtarëve dhe prokurorëve në Republikën e Shqipërisë", i ndryshuar, dhe Ligjit nr. 115/2016 "Për organet e qeverisjes së sistemit të drejtësisë", i ndryshuar, përfundimin e kontrollit të plotë për 27 kandidatë jo magjistratë për t'u komanduar si Inspektorë pranë Zyrës së Inspektorit të Lartë të Drejtësisë dhe dërgimin pranë Inspektorit të Lartë të Drejtësisë të akteve përfundimtare të kontrollit të plotë të Deklaratës së Pasurisë dhe Interesave Privatë.
- ▲ Në zbatim të Ligjit nr. 96/2016 "Për statusin e gjyqtarëve dhe prokurorëve në Republikën e Shqipërisë", i ndryshuar, dhe Ligjit nr. 115/2016 "Për organet e qeverisjes së sistemit të drejtësisë", i ndryshuar, përfundimin e kontrollit të plotë për 6 kandidatë, magjistratë për t'u komanduar si Inspektorë pranë Inspektorit të Lartë të Drejtësisë dhe dërgimin pranë Këshillit të Lartë të Prokurorisë të akteve të përfundimit të kontrollit të plotë të Deklaratës së Pasurisë dhe Interesave Privatë.
- ▲ Në zbatim të Ligjit nr. 96/2016 "Për statusin e gjyqtarëve dhe prokurorëve në Republikën e Shqipërisë" i ndryshuar, përfundimin e kontrollit të plotë të Deklaratës së Pasurisë dhe Interesave Privatë për 19 kandidatë për magjistratë (profil gjyqtar), të diplomuar në periudhën 2019 - 2020, si dhe për 40 kandidatë për në formimin fillestar në Shkollën e Magjistraturës në profilin gjyqtar. Në përfundim të kontrollit të plotë ILDKPKI, për të 59 kandidatët (profil gjyqtar), vendosi në dispozicion të Këshillit të Lartë Gjyqësor, aktet e përfundimit të kontrollit të plotë të Deklaratës së Pasurisë dhe Interesave Privatë.
- ▲ Në zbatim të Ligjit nr. 115/2016 "Për organet e qeverisjes së sistemit të drejtësisë" i ndryshuar, si dhe Ligjit nr. 96/2016 "Për statusin e gjyqtarëve dhe prokurorëve në Republikën e Shqipërisë" i ndryshuar, përfundimin e kontrollit të plotë për 2 kandidatë për magjistratë (profil prokuror), të diplomuar në periudhën 2019-2020 dhe për 27 kandidatë për në formimin fillestar në Shkollën e Magjistraturës, në profilin prokuror. Në përfundim të kontrollit të plotë ILDKPKI për të 29 kandidatët (profil prokuror) vendosi në dispozicion të Këshillit të Lartë të Prokurorisë, aktet e përfundimit të kontrollit të plotë të Deklaratës së Pasurisë dhe Interesave Privatë.

- ▲ Në zbatim të Ligjit nr. 8577/2000 "Për organizimin dhe funksionimin e Gjykatës Kushtetuese", i ndryshuar, përfundimin e kontrollit të plotë për 7 kandidatë për këshilltarë pranë Njësisë Ligjore në Gjykatën Kushtetuese dhe dërgimin pranë Gjykatës Kushtetuese të akteve përfundimtare të kontrollit të plotë të Deklaratës së Pasurisë dhe Interesave Privatë.
- ▲ Në zbatim të Ligjit nr. 98/2016 "Për organizimin e pushtetit gjyqësor në Republikën e Shqipërisë", dhe akteve nënligjore, përfundimin e kontrollit për 20 kandidatë për kancelarë në detyrë dhe dërgimin pranë Këshillit të Lartë Gjyqësor, të akteve të përfundimit të kontrollit të plotë të Deklaratës së Pasurisë dhe Interesave Privatë të kandidatit.
- ▲ Në zbatim të Ligjit nr. 98/2016 "Për organizimin e pushtetit gjyqësor në Republikën e Shqipërisë" dhe akteve nënligjore, procesin e kontrollit për 11 kandidatë për pranim në shërbimin civil gjyqësor, profili këshilltar ligjor dhe ndihmës ligjor, në proces verifikimi dërgimin pranë Këshillit të Lartë Gjyqësor, të akteve të përfundimit të kontrollit të plotë të Deklaratës së Pasurisë dhe Interesave Privatë.
- ▲ Në zbatim të Ligjit nr. 98/2016 "Për organizimin e pushtetit gjyqësor në Republikën e Shqipërisë" dhc akteve nënligjore, përfundimin e kontrollit të plotë për 8 kandidatë për këshilltarë dhe ndihmës ligjorë, për në programin e formimit fillestar pranë Shkollës së Magjistraturës dërgimin pranë Këshillit të Lartë Gjyqësor, të akteve të përfundimit të kontrollit të plotë të Deklaratës së Pasurisë dhe Interesave Privatë.
- ▲ Në zbatim të Ligjit nr. 95/2016 "Për organizimin dhe funksionimin e institucioneve për të lufiuar korruptionin dhe krimin e organizuar", dhe akteve nënligjore, përfundimin e kontrollit të plotë për 21 kandidatë personel administrativ të Prokurorisë së Posacme Kundër Korruptionit dhe Krimit të Organizuar dërgimin pranë Komisionit të Posacëm të Verifikimit të Pasurisë dhe Figurës për Prokurorinë dhe Gjykatat e Posacme, aktet e përfundimit të kontrollit të plotë të Deklaratës së Pasurisë dhe Interesave Privatë.

1.2 ZBATIMI I LIGJIT NR. 60/2016 "PËR SINJALIZIMIN DHE MBROJTJEN E SINJALIZUESVE", I NDRYSHUAR

Inspektorati i Lartë i Deklarimit dhe Kontrollit të Pasurive dhe Konfliktit të Interesave, përgjatë vitit reportues, në kuadër të përbushjes së rekomandimit të Kuvendit të Republikës së Shqipërisë, në Rezolutën për vitin 2020, ku theksohet se duhet: "*Të paraqesë së bashku me reportin vjetor të veprimitarisë edhe reportin për zbatimin e Ligjit të sinjalizimit dhe mbrojtjes së sinjalizuesve, ku të përfshihen numri i rasteve të sinjalizuara, rezultatet e rasteve, shkalla e ndërgjegjësimit dhe besimit te mekanizmat e sinjalizimit nga publiku, koha e përcaktuar për shqyrtimin e rasteve dhe zbatimin e mekanizmave të mbrojtjes nga hakmarrja*", vijoi zbatimin e kompetencave të dhëna me anë të Ligjit nr. 60, datë 2.6.2016 "Për sinjalizimin dhe mbrojtjen e sinjalizuesve", i ndryshuar.

Në zbatim të Ligjit, ILDKPKI, përveç funksionimit si mekanizëm i jashtëm raportimi, ngarkohet: të monitorojë dhe të nxjerrë udhëzime për mekanizmat e sinjalizimit të brendshëm dhe të jashtëm; të kontrollojë funksionimin e duhur të mekanizmit të sinjalizimit të brendshëm të njësive përgjegjëse të organizatave; të konstatojë kundravajtjet administrative sipas këtij ligji dhe të vendosë gjoba në përputhje me nenin 23 të këtij ligji; të marrë dhe të hetojë kërkeshat për mbrojtje ndaj masave hakmarrëse kundër sinjalizuesve dhe të garantojë mbrojtjen e sinjalizuesve nga masat hakmarrëse; mbi bazën e raporteve vjetore të Njësive Përgjegjëse, të hartojë vlerësimë dhe të japë rekomandime për zbatimin e këtij ligji; të ofrojë këshillim dhe mbështetje në lindje me zbatimin e Ligjit për mbrojtjen e sinjalizuesve; të ndërgjegjësojë publikun për sinjalizimin dhe mbrojtjen e sinjalizuesve.

Në përbushje të detyrimeve ligjore, ILDKPKI përgjatë vitit reportues mbajti kontakte të vazhdueshme me Njësitë Përgjegjëse në sektorin publik dhe privat, duke administruar dhe analizuar raportimet e dërguara prej tyre, si dhe duke bërë përditësimet e nevojshme në Regjistrin Kombëtar të Njësive Përgjegjëse në Autoritetet Publike dhe në Regjistrin Kombëtar të Njësive Përgjegjëse në sektorin privat. Nga të dhënat statistikore, rezulton se në total janë ngritur dhe funksionojnë 168 njësi përgjegjëse në sektorin publik, si dhe 440 njësi përgjegjëse në sektorin privat.

Inspektorati i Lartë, në zbatim të parashikimeve të neneve 13 dhe 22, të Ligjit nr. 60/2016 "Për sinjalizimin dhe mbrojtjen e sinjalizuesve", i ndryshuar, brenda datës 15 janar 2021 ka pritur dhe administruar raportet vjetore të dërguara nga Njësitë Përgjegjëse, si nga autoritetet publike dhe organizatat private.

Në këtë kuadër, Inspektorati i Lartë ka marrë dhe administruar 149 raporte vjetore nga Njësitë Përgjegjëse pranë autoriteteve publike, ku nga analizimi i tyre konstatohet se në 5 Njësi Përgjegjëse janë sinjalizuar dhe trajtuar raste në kuadër të Ligjit nr. 60/2016, i ndryshuar, si më poshtë:

- 1. Kontrolli i Lartë i Shtetit**, ka raportuar një rast sinjalizimi të regjistruar në Regjistrin e Sinjalizimit të Brendshëm në Njësinë Përgjegjëse, mbi shkelje të procedurave të prokurimit me vlerë të vogël. Në përfundim të hetimit administrativ u konstatuan shkelje të kuadrit ligjor rregullator të fushës së prokurimeve publike, të cilat u referuan tek eprori direkt për procedim disiplinor.
- 2. Radiotelevizioni Shqiptar**, pranë të cilit është paraqitur një rast sinjalizimi i regjistruar në zbatim të nenit 5 dhe 7, të Ligjit nr. 16/2016, ardhur nga Njësia Vendore Gjirokastër. Nga njësia përgjegjëse është kryer hetimi administrativ, duke verifikuar dhe shqyrtuar pretendimet e parashtruara për veprime dhe praktika të dyshuara korruptive. Në përfundim të hetimit administrativ raportohet se rezultoi të mos ketë pasur asnjë shkelje të karakterit administrativ apo veprime që mund të përbëjnë kundërvajtje penale.
- 3. Agjencia Kombëtare e Punësimit dhe Aftësive (Ministria e Financave)** në të cilën është regjistruar një rast sinjalizimi, ku nga auditi i brendshëm në përfundim të kontrollit të kryer dhe në zbatim të procedurës së hetimit administrativ, ka rezultuar se nuk ka pasur elemente të kundërvajtjes administrative apo penale.
- 4. Agjencia Shtetërore e Kadastrës**, pranë të cilës është regjistruar një rast sinjalizimi dhe nga hetimi administrativ është marrë masë disiplinore ndaj nëpunësit të gjetur në shkelje të detyrës.
- 5. Shërbimi për Çështjet e Brendshme dhe Ankesat (Ministria e Brendshme)** në të cilin raportohen dy raste sinjalizimi.

Në lidhje me Njësitë Përgjegjëse pranë sektorit privat janë marrë dhe janë administruar 237 raporte, ku nga analizimi i tyre konstatohet se në 1 Njësi Përgjegjëse është paraqitur një rast sinjalizimi në përputhje me parashikimet e Ligjit nr. 60/2016, i ndryshuar.

Gjithashtu, gjatë vitit reportues, në ushtrim të kompetencave ligjore, si mekanizëm i jashtëm raportimi për sinjalizimin dhe kërkesat për mbrojtje nga hakmarrja, Inspektorati i Lartë ka regjistruar dhe trajtuar në total **9 raste sinjalizimi dhe 1 kërkesë për mbrojtje nga hakmarrja** të ardhura nga sektori publik. Në analizim të rasteve të paraqitura, rezulton se 7 raste sinjalizimi të jashtëm kanë ardhur nga sektori publik dhe 2 raste i përkasin sektorit privat.

ILDKPKI ka marrë masa për të regjistruar të gjitha rastet e sinjalizuara në Regjistrin e Sinjalizimeve të Jashtme, në Regjistrin e Kërkesës për Mbrotje nga Hakmarrja, si dhe ka hetuar administrativisht sinjalizimet e jashtme dhe kërkesën për mbrojtje, në përputhje me procedurën e përcaktuar në dispozitat e Ligjit nr. 60/2016, i ndryshuar dhe K.Pr. Administrative, duke respektuar afatet ligjore.

Në përfundim të hetimit administrativ, për zyrtarët e gjetur në shkelje të parashikimeve ligjore të Ligjit nr. 9367/2005, i ndryshuar, është marrë masa administrative "gjobë", si dhe është këruar dhe është zgjidhur konflikti i interesit në përputhje me parashikimet ligjore. Kështu, është aplikuar 1 (një) masë administrative "gjobë" ndaj një titullari institucioni për shkelje të Ligjit nr. 9367/2005, i ndryshuar, si dhe është zgjidhur rasti me konflikt interesit.

Për rastet e sinjalizuara, pas kryerjes së hetimeve administrative, janë vënë në dijeni edhe organet kompetente sipas problematikave të ngritura nga sinjalizuesit, si vijon:

- ↳ -Njoftim pranë KLSH për auditim të fondeve publike;
- ↳ -Njoftim për ndjekje të mëtejshme, Inspektorit të Lartë të Drejtësisë;
- ↳ -Njoftim Komisionit të Pavarur të Kualifikimit;
- ↳ -Njoftim për ndjekje të mëtejshme nga Autoriteti Publik Qendror.

Lidhur me kërkesën për mbrojtje nga hakmarrja, pas regjistrimit në Regjistrin e Kërkesës për Mbrotje nga Hakmarrja, u zhvillua hetimi administrativ, në përputhje me procedurën e përcaktuar në dispozitat e Ligjit nr. 60/2016, i ndryshuar dhe K.Pr. Administrative dhe u njoftua autoriteti publik për marrjen e masave paraprake për mbrojtjen nga hakmarrja ndaj sinjalizuesit.

Për më tepër, Inspektorati i Lartë në zbatim të Rezolutës për vitin 2020 të Kuvendit të Republikës së Shqipëri mbi angazhimin "...më tepër në udhëzimin e këshillimin e Njësive Përgjegjëse për formën dhe të dhënat e nevojshme që duhen paraqitur në raportin vjetor për rastet e sinjalizimit, me qëllim orientimin drejt një raportimi në mënyrë cilësore dhe me standard të unifikuar, si dhe të intensifikojë monitorimin e veprimtarisë së tyre", ka vijuar të ketë kontakte të ngushta me njësitë përgjegjëse me qëllim përbushjen e rekomandimit të lënë nga Kuvendi. Kështu në korresponcencën zyrtare të mbajtur me Njësitë Përgjegjëse është kërkuar që të bëhet një pasqyrim sa më i plotë i të dhënavë për rastet e sinjalizimit të trajtuara prej tyre, si dhe dërgimi i çdo ndryshimi në të dhënat e njësive përkatëse.

Gjithashtu, ILDKPKI, përgjatë vitit raportues, ka bashkëpunuar me Komitetin Shqiptar të Helsinkit në kuadër të Projektit "Fuzizimi i pushtetit vendor për zbatimin e Ligjit për sinjalizimin", duke marrë pjesë dhe duke dhënë ekspertizën e nevojshme në 10 sesione trajnuese të organizuara në mënyrë elektronike për njësitë e pushtetit vendor. Në këto sesione morën pjesë dhe u trajnuan rreth 163 anëtarë të njësive përgjegjëse dhe nëpunës pranë bashkive.

Në kuadër të angazhimit për të forcuar më tej zbatimin e ligjit për sinjalizimin dhe mbrojtjen e sinjalizuesve, Inspektorati i Lartë u përfshi në projektin 3-vjeçar të Iniciativës Rajonale Antikorrupsion (RAI) të financuar nga BE "Breaking the Silence: Enhancing the Whistleblowing Policies and Culture in Western Balkans and Moldova" (Thyherja e heshtjes: Përmirësimi i politikave dhe kulturës së sinjalizimit në Ballkanin Perëndimor dhe Moldavi). Projekti synon të përmirësojë kanalet e raportimit të sinjalizimeve dhe mekanizmat e mbrojtjes për sinjalizuesit duke forcuar kornizën ligjore dhe institucionale, kapacitetet e shoqërisë civile për të mbështetur sinjalizimin përmes advokimit të politikave publike, edukimit publik, ndihmës juridike dhe mbështetjes tjetër për sinjalizuesit, si dhe të rrisë ndërgjegjësimin e publikut për rëndësinë e sinjalizimit në luftën kundër korruptionit dhe edukimin e publikut për mekanizmat e mbrojtjes së sinjalizuesve. Në këtë kuadër u nënshkrua në tetor 2020 Marrëveshja e Bashkëpunimit midis ILDKPKI dhe RAI.

1.3.ZBATIMI I LIGJIT NR. 9049/2003 “PËR DEKLARIMIN DHE KONTROLLIN E PASURIVE, TË DETYRIMEVE FINANCIARE TË TË ZGJEDHURVE DHE TË DISA NËPUNËSVE PUBLIKË”, I NDRYSHUAR DHE SISTEMI ELEKTRONIK I DEKLARIMIT TË INTERESAVE PRIVATË

Inspektorati i Lartë në zbatim të rekomandimit të Kuvendit të Shqipërisë në Rezolutën për vitin 2020, ku është theksuar *“Të vijojë procesin e ngritjes së sistemit elektronik të deklarimit të interesave privatë, duke siguruar plotësimin e kuadrit të nevojshëm ligjor me aktet nënligjore përvienien në funksionim të këtij sistemi, si dhe garantimin e qëndrueshmërisë së mëtejshme të funksionimit të vetë sistemit”*, përgjatë vitit raportues, ka vazhduar procesin e koordinimit dhe mbështetjes me burimet e nevojshme institucionale, me qëllim finalizimin e angazhimeve të marra në drejtim të ngritjes dhe vënieve në funksionim të sistemit elektronik të deklarimit të interesave privatë.

Kështu, gjatë vitit 2020, ILDKPKI në zbatim të Ligjit nr. 10325, datë 23.9.2010 “Për databazat shtetërore” ka bashkëpunuar ngushtësisht me Ministrinë e Drejtësisë, me qëllim përfundimin e aktit ligjor për krijimin e bazës së të dhënave shtetërore. Mbi iniciativën e Ministrisë së Drejtësisë me Vendimin e Këshillit të Ministrave nr. 330, datë 22.4.2020 “Për krijimin e bazës shtetërore për sistemin e deklarimit të pasurisë dhe konfliktit të interesave-EACIDS”, u vendos krijimi i bazës shtetërore nën autoritetin dhe administrimin e ILDKPKI.

Në vijim të proceseve të nevojshme përvëntuese të garantuar qëndrueshmërinë e funksionimit të vetë sistemit, ILDKPKI kërkoi dhe mori mbështetjen financiare nga buxheti i shtetit përvëntuese të siguruar mirëmbajtjen e sistemit, si një kërkësë e parashikuar nga VKM nr. 710/2013.

Në këtë kuadër, përgjatë muajit shkurt 2020, filluan procedurat e prokurimit përvëntuese të kontratën e mirëmbajtjes, të cilat për shkak të situatës së krijuar nga masat parandaluese përvëntuese të virut COVID-19 u pezulluan mbi udhëzimin e Agjencisë së Prokurimit Publik (APP), deri në një urdhër të dytë. Me shfuqizimin e urdhrit të pezullimit nga APP në korrik 2020, ILDKPKI vijoi procedurat e prokurimit, duke nënshkruar kontratën përvëntuese të mirëmbajtjen e sistemit me operatorin ekonomik të shpallur fitues.

Inspektorati i Lartë, në vitin në vazhdim, mbetet tërësisht i angazhuar për përfundimin e të gjitha proceseve të nevojshme ligjore dhe teknike, për krijimin dhe funksionalizimin e Sistemit Elektronik të deklarimit të interesave privatë, me qëllim përmbytjen e afatit të përcaktuar nga Kuvendi i Republikës së Shqipërisë.

2. TË DHËNA MBI DEKLARIMIN DHE KONTROLLIN E DEKLARATAVE TË INTERESAVE PRIVATË

2.1. ADMINISTRIMI I DEKLARATAVE

Gjatë vitit 2020, Inspektorati i Lartë ka vijuar punën me procesin e pranimit, regjistrimit dhe administrimit të deklaratave të interesave privatë, të subjekteve që mbartin detyrim për deklarim. Nga të dhënat e regjistruara dhe të administruara nga Sektori i Protokoll-Arkivës dhe Administrimit të Deklaratave të Pasurisë, rezulton se numri i përgjithshëm i subjekteve (subjekte në funksion, ish-subjekte deklarues, kandidatë) deri më 31.12.2020 është **15.876 subjekte deklarues**, nga të cilët:

- **16.8% ose 2.670 subjekte rezultojnë të janë në funksion;**
- **81.2% ose 12.883 subjekte rezultojnë të janë ish-subjekte deklarues;**
- **2% ose 323 subjekte rezultojnë të janë kandidatë.**

Numri i deklaratave të administruara nga Inspektorati i Lartë për vitin 2020, është **3.769 deklarata të interesave privatë**, nga të cilat, të ndara sipas llojeve të tyre, rezultojnë këto të dhëna statistikore:

- Deklarata Periodike/Vjetore – **2.662 deklarata;**
- Deklarata Para Fillimit të Detyrës – **450 deklarata;**
- Deklarata Pas Largimit nga Funksioni – **379 deklarata;**
- Deklarata Kandidati – **278 deklarata.**

Sikurse mund të vihet re edhe nga paraqitja grafike, 70.6 % e totalit të deklaratave të interesave privatë, të administruara nga ILDKPKI gjatë vitit 2020, përbëhet nga deklaratat Periodike/Vjetore, 12 % nga deklaratat Para Fillimit të Detyrës, 10% e tyre përbëhet nga deklarata Pas Largimit nga Funksioni, si dhe 7.4 % e përbëjnë deklaratat e kandidatëve.



2.2. SKANIMI, PËRPUNIMI PARAPRAK DHE KONTROLLI ARITMETIK DHE LOGJIK.

Inspektorati i Lartë, gjatë vitit reportues, ka administruar **3769 deklarata të interesave privatë**. Të gjitha deklaratat, në përbushje të detyrimit ligjor të parashikuar nga nen 24 i Ligjit nr. 9049, datë 10.4.2003 "Për deklarimin dhe kontrollin e pasurive...", i ndryshuar, që parashikon kalimin në fazën e skanimit, kontrollit të përpunimit paraprak, kryesisht lidhur me juridikcionin, rregullsinë e plotësimit të deklaratës, i janë nënshtruar këtij procesi, të përfunduar brenda vitit 2020. Për më tepër, njëkohësisht me procesin e skanimit dhe kontrollit paraprak, në përbushje të detyrimit ligjor të parashikuar nga nen 25 i Ligjit nr. 9049/2003, i ndryshuar, është kryer dhe procesi i kontrollit aritmetik dhe logjik, mbi saktësinë e vlerësimit të pasurisë së deklaruar, saktësinë e burimeve financiare dhe mjaftueshmërinë e mbulimit të pasurisë nga burimet e deklaruara.

Në përfundim të procesit të kontrollit aritmetik e logjik, brenda datës 31.12.2020, janë kontrolluar të gjitha deklaratat e interesave privatë të administruara në vitin reportues, në total 3769 deklarata të interesave privatë.

2.3. KONTROLLI I PLOTË

Inspektorati i Lartë, gjatë vitit 2020, në zbatim të nenit 25/1 të Ligjit nr. 9049, datë 10.4.2003, "Për deklarimin dhe kontrollin e pasurive...", i ndryshuar, si dhe në përbushje të objektit

kryesor të veprimtarisë së tij, lidhur me ushtrimin e kontrollit të plotë dhe hetimin administrativ për vërtetimin e saktësisë dhe vërtetësisë së të dhënave të pasurive, të ardhurave e detyrimeve të deklaruara nga zyrtarët dhe personat e lidhur me ta, konstatimin e rasteve të konfliktit të interesave, ka miratuar dhe ka kaluar në kontroll të plotë në total 762 subjekte deklarues, si për shkak funksioni, ashtu edhe bazuar në informacione të ardhura nga denoncimet në numrin pa pagesë 0800 9999, postën zyrtare dhe elektronike, median e shkruar, audio-vizive, etj.

2.4. REZULTATET E KONTROLLIT

Inspektorati i Lartë në përbushje të Rezolutës së Kuvendit të Republikës së Shqipërisë, për vitin 2020, e cila kërkonte që: "*Të vijojë forcimin e mëtejshëm të kapaciteteve investiguese me fokus të veçantë trajtimin e rasteve të fshehjes apo mosdeklarimit të pasurive, të konfliktit të interesit, si dhe hetimit të rasteve të sinjalizimit*" ka përbushur kompetencat ndëshkuese, përmes aplikimit të masave administrative, "gjobë", propozimeve për masa disiplinore deri në largim nga detyra, drejtuar institucioneve publike, si dhe referimeve penale dhe të tjera, të depozituara pranë organit të akuzës, strukturave të hetimit tatimor, Policisë së Shtetit, ndaj zyrtarëve-subjekte deklarues, të cilët janë gjetur në shkelje të Ligjit.

Në këtë kuadër, Inspektorati i Lartë, në zbatim të nenit 44 të Ligjit nr. 9367, datë 7.4.2005 "Për parandalimin e konfliktit të interesave...", i ndryshuar dhe nenit 40, të Ligjit nr. 9049, datë 10.4.2003 "Për deklarimin dhe kontrollin e pasurive...", i ndryshuar, ka aplikuar masën administrative "gjobë", për rastet e refuzimeve për deklarim, si dhe për rastet e mosdeklarimeve dhe/apo për çështje të konfliktit të interesave. Të ndëshkuar me masa administrative, "gjobë", për periudhën deri më 31.12.2020 janë në total 33 zyrtarë. Për periudhën 2014 – 2020 janë sanksionuar me masë administrative "gjobë" në total rrëth 1.759 zyrtarë.

Për t'u theksuar është fakti se të gjitha masat administrative të vendosura nga Inspektorati i Lartë janë lënë në fuqi nga Gjykata Administrative, me përjashtim të një numri të pakonsiderueshëm, për të cilat gjykata ka vendosur shfuqizimin ose ndryshimin e tyre.

Për më tepër, Inspektorati i Lartë, gjatë periudhës 2014 – 2020, ka referuar pranë Institucionit të Prokurorisë, strukturave të hetimit tatimor, Drejtorisë së Përgjithshme të Parandalimit të Pastrimit të Parave, si dhe Policisë së Shtetit, 502 subjekte, në të cilët janë përfshirë zyrtarë të nivelit të lartë drejtues, si Deputetë të Kuvendit të Republikës së Shqipërisë, Kryetarë Bashkie,

Drejtorë Drejtorie etj. Për periudhën raportuese janë paraqitur në total 72 raste referimesh penale dhe referime të tjera.

3. BASHKËPUNIMI NDËR-INSTITUCIONAL DHE NDËRKOMBËTAR

Inspektorati i Lartë, duke e vlerësuar bashkëpunimin ndër-institucional me organet ligjzbatusese, si një element të domosdoshëm në drejtim të garantimit të sigurisë dhe efektivitetit të kontolleve dhe hetimeve administrative, ka vijuar përgjatë vitit raportues zbatimin e marrëveshjeve të bashkëpunimit me institucionet kryesore në identifikimin dhe luftën kundër korruptionit, parandalimit të pastrimit të parave dhe krimit të organizuar, konkretisht me KLSH, Drejtorinë e Policisë së Shtetit, Drejtorinë e Përgjithshme të Tatimeve/Doganave.

Për më tepër, me qëllim rriten e bashkëpunimit ndërmjet Inspektoratit të Lartë të Deklarimit dhe Kontrollit të Pasurive dhe Konfliktit të Interesave (ILDKPKI) dhe Prokurorisë së Përgjithshme, për forcimin e luftës kundër kriminalitetit të kryer nga zyrtarët e lartë të administratës shtetërore, personat e zgjedhur dhe nëpunësit publikë, u nënshkrua në muajin tetor 2020, një Marrëveshje Bashkëpunimi ndër-institucional.

Përgjatë vitit raportues, kanë vijuar marrëdhënet e bashkëpunimit në kuadër të marrjes së informacioneve nga institucionet publike dhe private, në kuadër të verifikimit të dhënavë të pasqyruara nga subjektit e përfshira në procesin e rivlerësimit kalimtar (vetting) në sistemin e drejtësisë, vlerësimi i rradhët e Policisë së Shtetit e Gardës së Republikës së Shqipërisë, si dhe për kandidatët në organet e ndryshme të sistemit të drejtësisë.

Inspektorati i Lartë, përtej përbushjes së detyrimeve që rrjedhin nga kuadri ligjor në fuqi, ka vazhduar të japë në mënyrë periodike/mujore arritjet dhe sfidat institucionale të tij, me qëllim përbushjen e rekomandimeve të Bashkimit Evropian (BE) për Prioritetin 2 "Të sistemit të drejtësisë" dhe Prioritetin 3 "Të luftës kundër korruptionit", duke ju përgjigjur në kohë institacioneve të tjera shtetërore të përfshira në procesin e integrimit në Bashkimin Evropian, si Ministria për Evropën dhe Punët e Jashtme, Koordinatorin Kombëtar kundër Korruptionit/Ministrinë e Drejtësisë.

ILDKPKI, përgjatë vitit raportues, ka vijuar bashkëpunimin e ngushtë dhe të frytshëm me Delegacionin e Bashkimit Evropian në Shqipëri, Këshillin e Evropës, zyrën e OSBE-së në Tiranë, si dhe është angazhuar me pjesëmarrjen në takime, tryesa të rrumbullakëta, konferenca dhe seminare, të organizuara elektronikisht, për çështje që lidhen me luftën kundër korruptionit. Konkretisht, përfaqësues të ILDKPKI morën pjesë në trajnimet e organizuara nga Prokuroria e Përgjithshme në bashkëpunim me Projektin PAMECA V, mbi pastrimin e parave dhe hetimi pasuror e financiar dhe veprat penale që lidhen me detyrën, si dhe në Workshop "Whistle-blower Directive for the Western Balkans" organizuar nga DG- Just, me mbështetjen e TAIEX.

Gjatë vitit raportues, Inspektorati i Lartë nënshkroi një Marrëveshje Bashkëpunimi me RAI, duke u bërë pjesë e projektit, të finançuar nga BE "Breaking the Silence: Enhancing the Whistleblowing Policies and Culture in Western Balkans and Moldova" (Thyerja e heshtjes: Përmirësimi i politikave dhe kulturës së sinjalizimit në Ballkanin Perëndimor dhe Moldavi). Nëpërmjet aktiviteteve që do të zhvillohen në kuadër të këtij projekti, synohet të përmirësohen kanalet e raportimit të sinjalizimeve dhe mekanizmat e mbrojtjes për sinjalizuesit duke forcuar kornizën ligjore dhe institucionale, kapacitetet e shoqërisë civile për të mbështetur sinjalizimin, përmes advokimit të politikave publike, edukimit publik, ndihmës juridike dhe mbështetjes tjetër për sinjalizuesit, si dhe të rritet ndërgjegjësimi i publikut për rëndësinë e sinjalizimit në luftën kundër korruptionit dhe edukimi i publikut për mekanizmat e mbrojtjes së sinjalizuesve.

4. TRANSPARENCA INSTITUCIONALE

ILDKPKI, përgjatë vitit raportues ka zbatuar rekomandimin e Kuvendit të Shqipërisë, në të cilin theksohet se institucioni duhet "*Të vijojë ndjekjen e një politike të hapur me qytetarët, median dhe shoqërinë civile dhe forcimin e urave të bashkëpunimit me median investigative në drejtim të rritjes së transparancës institucionale për publikimin e deklaratave të interesave private dhe informimin e duhur në lidhje me mekanizmin e sinjalizimit*".

Në kuadër të mekanizmave informuese ligjorë e publikë, duke respektuar ligjin për të drejtën e informimit dhe atë të mbrojtjes së të dhënave personale, për publikimin e deklaratave të interesave privatë, përgjatë vitit raportues, Inspektorati i Lartë ka trajtuar të gjitha kërkësat e individëve apo mediave, lidhur me publikimin e deklaratave të interesave privatë të subjekteve

deklarues, brenda afatit 10 ditor, pavarësisht fluksit të kërkesave dhe procesit të përpunimit manual për redaktimin e të dhënave personale, duke rritur kështu transparencën institucionale. Për t'u theksuar mbetet fakti se nuk janë paraqitur kontestime apo ankesa nga palët e interesuara, çka tregon për një punë korrekte dhe serioze të institucionit.

Konkretilisht, ILDKPKI për vitin 2020 ka trajtuar një numër të konsiderueshëm kërkesash për publikim të deklaratave të interesave privatë, ku rezulton të jenë publikuar rrëth **6,182 deklarata**.

5. PERFORMANCE FINANCIARE

Inspektorati i Lartë i Deklarimit dhe Kontrollit të Pasurive dhe Konfliktit të Interesave, në zbatimin e buxhetit të shtetit për vitin 2020, është mbështetur në kërkesat më të domosdoshme institucionale, në zbatim të detyrimeve që rrjedhin nga Ligji nr. 9049, datë 10.4.2003, "Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë", i ndryshuar, Ligjit nr. 9367, datë 7.4.2005 "Për parandalimin e konfliktit të interesave në ushtrimin e funksioneve publike", i ndryshuar, si dhe Ligjit nr. 60/2016, datë 2.6.2016, "Për sinjalizimin dhe mbrojtjen e sinjalizuesve", i ndryshuar, duke paraqitur një realizim të shpenzimeve buxhetore për vitin 2020, si më poshtë vijon:

Në mbështetje të Ligjit nr. 88/2019 "Për Buxhetin e vitit 2020", i ndryshuar, Udhëzimit nr.2, datë 20.1.2020, "Për zbatimin e buxhetit të vitit 2020", i ndryshuar, Akitit Normativ nr.15, datë 15.4.2020 "Për disa ndryshime dhe shtesa në ligjin nr.88/2019 "Për Buxhetin e vitit 2020", i ndryshuar, shkresë nr. 4402 prot., datë 27.2.2020 "Për miratimin e detajimit të fondit të veçantë për vitin 2020", si dhe Vendimit të Këshillit të Ministrave nr. 926, datë 25.11.2020 "Për rishpërndarje fondesh në buxhetin e vitit 2020 ndërmjet Ministrive dhe Institucioneve Buxhetore", nga Ministria e Financave dhe Ekonomisë, është akorduar fondi buxhetor prej 142 milion e 650 mijë lekë, i cili përbëhet nga:

Fondi i Pagave 103 milion e 860 mijë lekë (zëri 600)

Fondi i Sigurimeve Shoqërore: 15 milion e 400 mijë lekë (zëri 601)

Fondi për Shpenzime Operative: 21 milion lekë (zëri 602)

Fondi për Investime: 2 milion lekë (zëri 231)

Transferime korrente: 390 mijë lekë (zëri 606)

Nga fondi i përgjithshëm buxhetor, në zbatim të Ligjit nr. 88/2019, "Për Buxhetin e vitiit 2020", për periudhën e raportuar, Inspektorati i Lartë ka realizuar vlerën buxhetore në shumën 135,486,144.70 lekë ose 95%, të fondit të planifikuar për vitin 2020.

ILDKPKI, referuar buxhetit të vitit 2020, ka zbatuar politikat e veta ekonomike, për një menaxhim sa më të mirë dhe me efektivitet të shpenzimeve buxhetore, duke planifikuar shpenzimet e kontraktuara, si dhe shpenzimet e tjera, më të domosdoshme, në mbështetje të Ligjit nr. 10296, datë 8.7.2010 "Për Menaxhimin dhe Kontrollin Financiar", i ndryshuar.

Fondi i pagave dhe sigurimeve shoqërore dhe shëndetësore, u realizua në zbatim të strukturës organizative të miratuar. Gjatë këtij viti, numri i punonjësve u realizua deri në 70 punonjës, nga 70 punonjës të miratuar me Vendim të Kuvendit të Republikës së Shqipërisë, nr. 48, datë 22.7.2016 "Për disa shtesa dhe ndryshime në vendimin e Kuvendit nr. 55/2014 "Për miratimin e strukturës, organikës dhe kategorizimit të pozicioneve të punës të Inspektoratit të Lartë te Deklarimit dhe Kontrollit të Pasurive dhe Konfliktit të Interesave", të ndryshuar.

Fondi i përgjithshëm i pagave dhe i sigurimeve shoqërore dhe shëndetësore, për këtë periudhë, është realizuar për numrin faktik të punonjësve në vlerën 102,487,388 lekë ose 98.7% e fondit të planifikuar për periudhën respektive dhe për kontributet për sigurimet shoqërore dhe shëndetësore në vlerën 14,301,181 lekë ose 92.9%, e fondit të planifikuar për periudhën respektive.

Për vitin 2020, janë kryer procedura rekrutimi, në mbështetje të planit vjetor të pranimit në shërbimin civil, në zbatim të Ligjit nr. 152/2013 "Për nepunësin civil", i ndryshuar dhe dispozitave ligjore në mbështetje të tij, për pozicionet vakante në kategorinë ekzekutive, të ulët e të mesme drejtuese, si dhe nivelin e lartë drejtues.

Për vitin 2020, në realizimin e shpenzimeve buxhetore, Inspektorati i Lartë është mbështetur në një shpërndarje sa më racionale të kërkesave në harmonizimin e nevojave të ILDKPKI, me burimet financiare në dispozicion, në funksion të përmirësimit të plotë të infrastrukturës institucionale, të rritjes së cilësisë së kontrollit të interesave privatë dhe me zbatimin e politikave buxhetore, përmes përdorimit ekonomik dhe efektiv të burimeve financiare.

Inspektorati i Lartë, në zbatim të dispozitave ligjore financiare në fuqi, gjatë vitit 2020, në realizimin e shpenzimeve operative, është mbështetur në kërkesa të cilat lidhen me:

- ✓ Realizimin e shpenzimeve të detyrueshme ndaj shtetit, si detyrimet për taksa e tatime, energji elektrike, ujë, shërbime postare, në funksion të një veprimtarie normale institucionale, të cilat për periudhën e reportuar janë realizuar në masën 100% të fondit të planifikuar vjetor;
- ✓ Realizimin e shpenzimeve për blerje materialesh e shërbimesh, sipas nevojave konkrete, për krijimin dhe përmirësimin e kushteve të punës në realizimin e një aktiviteti normal institucional;
- ✓ Forcimin e mekanizmave investigues për pasuritë e paluajtshme në terren dhe interesave privatë të zyrtarëve, si dhe zhvillimin e mëtejshëm të infrastrukturës teknologj - informacion;
- ✓ Forcimit të vazhdueshëm të bashkëpunimit të ILDKPKI, me organet e auditimit dhe strukturat e tjera përgjegjëse, përfshirë kundër korruptionit dhe krimit ekonomik.

Gjatë këtij viti, shpenzimet buxhetore të domosdoshme, të planifikuara dhe të miratuara krahas prokurimit me tender, janë realizuar dhe me blerje të vogël, sipas procedurës elektronike dhe janë lidhur kontrata në mbështetje të specifikimeve teknike, të sanksionuara në marrëveshjet dypalëshe. Shpenzimet e domosdoshme, të planifikuara dhe të miratuara gjejnë realizim, sipas nevojave konkrete të institucionit.

Të ardhurat nga veprimtaria e ILDKPKI për vitin 2020, kanë ardhur kryesisht nga arkëtimi i sanksioneve administrative me gjobë, të vendosura për rastet e shkeljes së detyrimeve ligjore, gjatë zbatimit të Ligjit nr. 9049, datë 10.4.2003, "*Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë*", i ndryshuar, Ligjit nr. 9367, datë 7.4.2005 "*Për parandalimin e konfliktit të interesave në ushtrimin e funksioneve publike*", i ndryshuar, Ligjit nr. 60/2016, datë 2.6.2016, "*Për sinjalizimin dhe mbrojtjen e sinjalizuesve*", i ndryshuar, si dhe ekzekutimit të detyrueshëm nga Zyrat e Përmbarimit, për një vlerë totale prej **8.643.137.07** lekë. Këto të ardhura, në zbatim të VKM nr. 432, datë 28.06.2006 "*Mbi të ardhurat në Institucionet Buxhetore*", kanë kaluar në Buxhetin e Shtetit, në masën 100%.

ILDKPKI, për vitin e ardhshëm, mbetet i angazhuar në vazhdimin e ndjekjes së një politike menaxhuese efektive, të fondeve buxhetore të akorduara, forcimin e sistemeve të brendshme të kontrollit, në drejtim të shpenzimeve të miratuarë vjetore, duke mundësuar zbatimin efektiv të objektivave të institucionit, në funksion të një vendimmarjeje transparente në zbatim të kompetencave të dhëna nga kuadri ligjor në fuqi.

6. PËRMBLEDHJE E ARITJEVE

Në vijim të punës dhe angazhimit të marrë, lidhur me rritjen e performancës institucionale, gjatë vitit raportues, përtjerë vështirësive të hasura si rrjedhojë e masave shtrënguese të marra për shkak të pandemisë globale, në vija të përgjithshme po parashtojmë arritjet, me theks të veçantë në:

- Përfundimin brenda afateve ligjore të proceseve të kontrollit të deklaratave të pasurive të subjekteve të rivlerësimit, të përcaktuar në listat e dërguara nga organet e rivlerësimit kalimtar KPK dhe ONM, në afatet e caktuara prej tyre, konkretisht u përfundua dhe u dorëzua pranë këtyre organeve, dokumentacioni i plotë, së bashku me raportet e hollësishme dhe të arsyetuara, për pjesën e mbetur të gjyqtarëve dhe prokurorëve, subjekte të rivlerësimit.
- Mbështetjen e proceseve për emërimin e kandidatëve në pozicione të ndryshme në sistemin e drejtësisë, duke përfunduar brenda afateve ligjore kontrollin e plotë për **238 kandidatë** në organet e ndryshme të sistemit të drejtësisë, si për anëtarë të Gjykatës Kushtetuese, gjyqtarë të Gjykatës së Lartë, gjyqtarë në Gjykatën e Posacme të Apelit për Korruptionin dhe Krimin e Organizuar, Drejtues të Byrosë Kombëtare të Hetimit, Inspektor pranë Zyrës së Inspektorit të Lartë të Drejtësisë, dhe dërgimin e akteve të kontrollit, së bashku me dosjet përkatëse pranë KED, KLGJ, KLP dhe organeve të tjera të emërtësës.
- Zbatimin me rigorozitet të skemës së kontrollit të plotë, ushtrimin e kontrollit të plotë dhe hetimit administrativ për vërtetimin e saktësisë dhe vërtetësisë së të dhënavë të pasurive, të ardhurave e detyrimeve të deklaruara nga zyrtarët dhe personat e lidhur me ta, konstatimin e rasteve të konfliktit të interesave, për **762 subjekte deklaruese**.
- Ndëshkimin e të gjithë shkclësve të kuadrit ligjor, duke aplikuar **33 masa administrative "gjobë"** dhe depozituar **72 referime penale dhe referime të tjera** pranë institucionit të Prokurorisë, strukturave të hetimit tatimor, si dhe strukturave të Policisë së Shtetit.

- Marrjen e të gjitha masave ligjore dhe institucionale, lidhur me zbatimin e Ligjit nr. 60/2016, datë 2.6.2016 "Për sinjalizimin dhe mbrojtjen e sinjalizuesve", i ndryshuar. Në këtë kuadër, u zhvilluan sesione trajnuese për sektorin publik, në nivel vendor, në vijim të bashkëpunimit të ngushtë me Komitetin Shqiptar të Helsinkit, si dhe u nënshkrua Marrëveshja e Bashkëpunimit midis ILDKPKI dhe RAI, në kuadër të projektit "*Breaking the Silence: Enhancing the Whistleblowing Policies and Culture in Western Balkans and Moldova*" (Thyerja e heshtjes: Përmirësimi i politikave dhe kulturës së sinjalizimit në Ballkanin Perëndimor dhe Moldavi).
- Në zbatim ië nenit 4/2 dhe nenit 34, të Ligjit nr. 9049, datë 10.4.2003 "Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publike", i ndryshuar, i cili i hapi rrugën mundësisë së plotësimit dhe dorëzimit të deklaratave në mënyrë elektronike, Inspektorati i Lartë vijoi procesin e ngritjes së sistemit elektronik të deklarimit të interesave privatë. Në këtë kuadër u miratua Vendimi i Këshillit të Ministrave nr. 330, datë 22.4.2020 "Për krijimin e bazës shtetërore për sistemin e deklarimit të pasurisë dhe konfliktit të interesave-EACIDS", si dhe u përfundua procesi i nënshkrimit të kontratës së mirëmbajtjes për këtë sistem.
- Ndrekjen e një politike të hapur me qytetarët, median dhe shoqërinë civile, ku të gjitha kërkesat e paraqitura për publikim të deklaratave të interesave privatë, janë trajtuar në përputhje me afatet ligjore, gjë që ka rezultuar në **publikimin e rreth 6,182 deklaratave të interesave privatë, gjatë vitit 2020**.

7. PRIORITET PËR VITIN 2021

- Ruajtja dhe forcimi i pavarësisë dhe integritetit institucional, duke garantuar vijueshmërinë e zbatimit të detyrimeve kushtetuese dhe ligjore, për bashkëpunimin me institucionet e rivlerësimit dhe ONM, deri në përfundim të procesit të rivlerësimit nga këto organe.
- Mbështetja e proceseve për verifikimin e kandidatëve në organet e ndryshme të sistemit të drejtësisë dhe forcimi i bashkëpunimit me organet përkatëse të emërtësës.
- Ndrekja dhe zbatimi i skemës së kontrollit të deklaratave të interesave privatë të subjekteve deklarues, në përputhje me kërkesat ligjore të parashikuara nga Ligi nr.

9049, datë 10.4.2003 "Për deklarimin...", i ndryshuar, si dhe Ligji nr. 9367, datë 7.4.2005 "Për parandalimin e konfliktit të interesave...", i ndryshuar.

- Zbatimi dhe monitorimi i Ligjit nr. 60/2016, datë 2.6.2016 "Për sinjalizimin dhe mbrojtjen e sinjalizuesve", i ndryshuar, në drejtim të forcimit të kapaciteteve të Njësive Përgjegjëse pranë organizatave të sektorit publik dhe privat, si dhe ndërgjegjësimi i mëtejshëm mbi këtë mekanizëm raportimi, duke bashkëpunuar me shoqërinë civile dhe përfaqësues të organizatave ndërkombëtare të angazhuar në këtë fushë.
- Forcimi i urave të bashkëpunimit ndër-institucional me organet ligjzbatuese, si një element i domosdoshëm në drejtim të garantimit të sigurisë dhe efektivitetit të kontolleve dhe hetimeve administrative, për ruajtjen e standardeve në luftën kundër korruptionit dhe krimit ekonomik.
- Forcimi i marrëdhënieve bashkëpunuese me partnerët ndërkombëtarë, në përbushje të angazhimeve të marra në kuadër të projekteve të përbashkëta, të cilat synojnë përmirësimin e sistemit aktual për plotësimin, administrimin dhe kontrollin e deklarimit, me qëllim rritjen e eficencës dhe cilësisë së punës së Inspektoratit të Lartë, si dhe përmirësimin e kuadrit ligjor mbi parandalimin e konfliktit të interesave në ushtrimin e funksioneve publike.
- Vazhdimi i ndjekjes së një politike të hapur me qytetarët, median dhe shoqërinë civile. Forcimi i mëtejshëm i urave të bashkëpunimit me median investigative. Respektimi i mekanizmave informuese ligjorë e publikë, duke respektuar ligjin për të drejtën e informimit dhe atë të mbrojtjes së të dhënavë personale, për publikimin e deklaratave të interesave privatë.

ANEKSI NR. 1

Në kuadër të zbatimit të Vendimit të Kuvendit të Shqipërisë, nr. 49/2017 "Për krijimin e mekanizmit për monitorimin sistematik të ndjekjes dhe zbatimit të rekomandimeve të institucioneve të pavarura kushtetuese dhe atyre të krijuara me ligj", si dhe Vendimit të Kuvendit të Shqipërisë nr. 134/2018, datë 20.12.2018 "Për miratimin e manualit të monitorimit vjetor dhe periodik", për çështjet e përfshira në planin e veprimit, për të cilat është kërkuar raportim në një aneks të veçantë të Raportit Vjetor, Inspektorati i Lartë parashtron sa më poshië vijon:

A- Niveli i zbatueshmërisë së rekomandimeve të institucioneve të pavarura nga ekzekutivi gjatë periudhës së raportimit

Inspektorati i Lartë i Deklarimit dhe Kontrollit të Pasurive dhe Konfliktit të Interesave, në zbatim të kuadrit ligjor, Ligjit nr. 9049, datë 10.4.2003 "Për deklarimin dhe kontrollin e pasurive, të detyrimeve financiare të të zgjedhurve dhe disa nepunësve publike", i ndryshuar, Ligjit nr. 9367, datë 7.4.2005 "Për parandalimin e konfliktit të interesave në ushtrimin e funksioneve publike", i ndryshuar, si dhe të Ligjit nr. 60/2016 "Për sinjalizimin dhe mbrojtjen e sinjalizuesve", i ndryshuar ka në kompetencë të tij, sanksionimin me anë të masave administrative "gjobë" për shkelje të konstatuara të dispozitave ligjore, nga subjektet deklaruese apo Njësítë/Autoritetet Përgjegjëse.

Për të gjitha masat administrative "gjobë", Inspektorati i Lartë ka ndjekur rrugën ligjore për të garantuar vënien e tyre në ekzekutim vullnetar ose të detyrueshmë nga ana e subjekteve të sanksionuara.

B- Pasqyrat financiare, audit i brendshëm dhe/ose i jashtëm, statusi i ankimeve gjyqësore, kallëzimet penale, plani i veprimit të institucionit, raport ose informacion mbi zbatimin e Ligjit të shërbimit civil dhe eficencës së rritjes së kapaciteteve njerëzore në funksion të misionit të institucionit.**- Audit i brendshëm dhe/ose i jashtëm**

Në strukturën e ILDKPKI nuk ka njësi të auditit të brendshëm. Për vitin 2020, ILDKPKI ka qenë e përfshirë në planin e auditit të Drejtorisë së Auditimit të Brendshëm të Ministrisë së

Financave dhe Ekonomisë, për periudhën 1.1.2018 deri në 31.8.2020. Në raportin përfundimtar është arritur në konkluzionin se “*Inspektorati i Lartë i Deklarimit dhe Kontrollit të Pasurive dhe Konfliktit të Interesave ka vendosur sisteme adekuatë kontrolli, duke arritur objektivat dhe përmirësuar qeverisjen*”.

Gjithashtu për vitin 2020, në zbatim të nenit 9 të Ligjit nr. 10296, datë 8.7.2010 “*Për menaxhimin financiar dhe kontrollin*”, i ndryshuar, është kryer vlerësimi i funksionimit të sistemeve të menaxhimit financiar dhe kontrollit, ku është përcaktuar përgjegjshmëria menaxheriale për planifikimin, zbatimin dhe kontrollin e buxhetit, kontabilitetin dhe raportimin në institucion, duke arritur objektivat e përcaktuara dhe shmangur shpërdorimin dhe keqpërdorimin e pasurisë.

- Plani i veprimit të institucionit

Inspektorati i Lartë i Deklarimit dhe Kontrollit të Pasurive dhe Konfliktit të Interesave, mbështet planin e veprimit të institucionit në zbatim të skemës së kontrollit të deklaratave të interesave privatë, përcaktuar nga neni 25/1, i Ligjit nr. 9049, datë 10.4.2003 “*Për deklarimin dhe kontrollin e pasurive, të detyrimeve finanziare të të zgjedhurve dhe disa nëpunësve publike*”, i ndryshuar, duke kryer kontrollet e deklaratave të interesave privatë të subjekteve që mbartin detyrimin për deklarim, në përputhje me kërkesat e Ligjit nr. 9049/2003, i ndryshuar dhe Ligjit nr. 9367/2005, i ndryshuar.

Gjithashtu, në kuadër të reformës në drejtësi, në zbatim të Ligjit nr. 84/2016, datë 30.8.2016 “*Për rivlerësimin kalimtar të gjyqtarëve dhe prokurorëve në Republikën e Shqipërisë*”, si dhe fillimin e zbatimit të Ligjit nr. 12/2018, datë 5.3.2018 “*Për vlerësimin kalimtar dhe periodik të punonjësve të Policisë së Shtetit, Gardës së Republikës dhe Shërbimit për Çëshijet e Brendshme dhe Ankesat në Ministrinë e Brendshme*”, një pjesë e konsiderueshme e kapaciteteve institucionale do të vazhdojnë të janë të angazhuar në verifikimin dhe hetimin e deklaratave të pasurive të subjekteve të përfshirë në procesin e vlerësimit kalimtar (vetting), si në rradhët e sistemit të drejtësisë, ashtu edhe në rradhët e Policisë së Shtetit.

Në objektivat institucionale të Inspektoratit të Lartë për vitin në vijim, mbetet forcimi i mëtejshëm i kapaciteteve administrative dhe investiguese, si dhe forcimi i bashkëpunimit me Autoritetet Përgjegjëse dhe Njësitë Përgjegjëse në kuadër të zbatimit të Ligjit nr. 9049, datë

10.4.2003 "Për deklarimin dhe kontrollin e pasurive...", i ndryshuar, Ligjt nr. 9367, datë 7.4.2005 "Për parandalimin e konfliktit të interesave...", i ndryshuar, si dhe Ligjt nr. 60/2016 "Për sinjalizimin dhe mbrojtjen e sinjalizuesve", i ndryshuar.

- Pasqyrat financiare

TABELA E BUXHETIT DHE REALIZIMI

Elog Ek	Përshtkuimi	Pian-Buxheti vjetor 2020 i Rishikuar	Buxheti i realizuar viti 2020	Realizimi në % viti 2020
600	Fond Page	103.860,00	102.487,00	98,7%
601	Kontrib Sig Shq & Shend	15.400,00	14.301,00	92,3%
602	Shpenzime operative	21.000,00	16.711,00	79,5%
606	Transferta per finansime të tjera	390,00	240,00	61,5%
231	Investime	2.000,00	1.747,00	87,4%
Shuma		142.650,00	135.486,00	95,0%

- Statusi i ankimeve gjyqësore, kallëzimet penale

Inspektorati i Lartë i Deklarimit dhe Kontrollit të Pasurive dhe Konfliktit të Interesave, gjatë vitit raportues, ka aplikuar **sanksione administrative** me "gjobë", për mosdekclarim të interesave privatë, konfliktit të interesave, si dhe për shkelje të Ligjt nr. 60/2016 "Për sinjalizimin dhe mbrojtjen e sinjalizuesve", i ndryshuar. Nga këto, janë ankimuar pranë organeve gjyqësore vetëm **5 vendime**, prej të cilave, deri në momentin e raportimit, gjykata ka vendosur në mbështetje të vendimeve të marra nga ILDKPKI, për **2 vendime**.

Njëkohësisht janë marrë masa nëpërmjet organeve përbirimore përvienien në ekzekutim të vendimeve, lidhur me sanksionet administrative "gjobë", ku për vitin raportues rezulton të janë vënë në ekzekutim **49 vendime**, prej të cilave **3 vendime**, i përkasin sanksioneve të vendosura përgjatë vitit 2020. Për t'u theksuar është fakti se në **13 raste**, shlyerja e detyrimit është kryer në mënyrë vullnetare nga subjektet e sanksionuara.

- Informacion mbi zbatimin e Ligjit të shërbimit civil dhe eficencës së rritjes së kapaciteteve njerëzore, në funksion të misionit të institucionit.

Inspektorati i Lartë i Deklarimit dhe Kontrollit të Pasurive dhe Konfliktit të Interesave, ka përbushur detyrimet që burojnë nga ligji nr. 152/2013 "Për nëpunësin civil", i ndryshuar dhe akteve nënligjore në zbatim të tij, si dhe Kodit të Punës për punonjësit mbështetës. Nëpërmjet Njësisë Përgjegjëse janë mbikëqyrur dhe menaxhuar burimet njerëzore, duke respektuar parimet kryesore të këtij legislacioni, si dhe janë kryer vlerësimet e rezultateve në punë të punonjësve dhe procesi i vlerësimit të performancës së tyre, në përputhje me afatet ligjore brenda periudhës 6 mujore.

Për vitin 2020, janë kryer procedura rekrutimi, në mbështetje të planit vjetor të pranimit në shërbimin civil, në zbatim të Ligjit 152/2013 "Për nëpunësin civil", i ndryshuar dhe dispozitave ligjore në mbështetje të tij, për pozicionet vakante për 6 vende për pozicione në kategorinë ekzekutive, 8 vende për pozicione në kategorinë e ulët dhe të mesme drejtuese, si dhe 2 vende për pozicione në kategorinë e lartë drejtuese, në ILDKPKI.

C- Zbatimi i masave specifike të dala nga rekomandimet e instrumentave ndërkombëtarë, ku Shqipëria është shtet anëtar dhe të raporteve të Komisionit Evropian.

Inspektorati i Lartë, për shkak të përbushjes së të gjitha rekomandimeve të lëna nga organizatat ndërkombëtare, GRECO dhe Komisioni Evropian në vitet e mëparshme, për vitin raportues nuk ka pasur asnjë rekomandim të paadresuar për këtë periudhë.

Inspektorati i Lartë ka vijuar punën në përbushje të angazhimeve të marra për ngritjen dhe vënien në funksionim të Sistemit Elektronik të deklarimit të interesave privatë. Në këtë kuadër, me qëllim përbushjen e angazhimeve të marra në drejtim të ngritisës dhe vëties në funksionim të Sistemit Elektronik të deklarimit të interesave privatë, u morën masat e nevojshme për planifikimin e punës për përgatitjen dhe përditësimin e kuadrit nënligjor të nevojshëm. Për këtë, mbi iniciativën e Ministrisë së Drejtësisë me Vendimin e Këshillit të Ministrave nr. 330, datë 22.4.2020 "Për krijimin e bazës shtetërore për sistemin e deklarimit të pasurisë dhe konfliktit të interesave-EACIDS", u vendos krijimi i bazës shtetërore nën autoritetin dhe administrimin e ILDKPKI.

Në vijim të proceseve të nevojshme për të bërë sistemin tërësisht funksional, ILDKPKI kërkoi dhe mori mbështetjen e nevojshme financiare nga buxheti i shtetit për të garantuar mirëmbajtjen e sistemit, si një kërkesë e nevojshme parashikuar nga VKM nr. 710/2013. Kështu në shkurt 2020, filluan procedurat e nevojshme të prokurimit për kontratën e mirëmbajtjes, të cilat për shkak të situatës së krijuar nga masat parandaluese për përhapjen e virusit COVID-19, u pezulluan mbi udhëzimin e APP, deri në një urdhër të dytë. Me shfuqizimin e urdhrit të pezullimit nga APP në korrik 2020, ILDKPKI vijoi procedurat e prokurimit, duke nënshkruar kontratën për mirëmbajtjen e sistemit me operatorin ekonomik të shpallur fitues.

Ju faleminderit !